



REUNIUN GENERALA

12.03.2011



L'Uniun Sport Amatoriala á tigni ai 12 de merz súa reuniun generala anual. Na importanza particulara á la reuniun albü deache al é indo stè da lité le comité nū por i proscimi trèi agn. La reuniun generala é stada na ocasiun por ciarè zoruch al'ativité dl ann passè y por portè dant le program preodü por l'ann corënt. Le presidënt Alex Alton á danfora saludé i mēmbri che tol pert ala reuniun por passè spo a tratè l'ordin dl dé. Ala fin dl ann passè pò la uniun mostrè sō 160 scrié ite, de chisc é le 40% sot ai 20 agn.

An é spo passá al'aprovaziun dl cunt consuntíf y dl bilanz de previjiun. Tla relaziun söl'ativité à le presidënt y i caposeziuns referí söles ativitēs desvalies. La seziun cun la maiú ativité é chëra dl jüch dl palé. Le numer di sogadus che tol pert ai campionaé é de passa 50. Chësta seziun á inçe les maius spëises, che pò ma gní curides cun l'aiüt di sponsors. Te chësta ocasiun él gnü ringrazié dütes les firmes che sostēgn la Uniun. Ringrazié él inçe gnü i alenadus y acumpagnadus dles scuadres di mituns, che rapresentēia le dagní dla Uniun. L'ativité cun i mituns y jogh á porchël le pëis prinzipal tl program dl'uniun. Pro l'ativité dla seziun dl palé él inçe gnü recordè ch'al gnará indô organisé le torneo de nôt che rovarà chësc ann ala 13. ediziun. Inçe le "viola-camp" por i mituns de düta la valada gnará indo organisé chësc ann, plü avisa dai 22 ai 27 de agost.

Pro la seziun dla lüsa él stè le caposeziun Helmuth Deiaco ch'á portè dant i puné pinzipai dl'ativité. Al á portè dant i mius plazamēnc arjuné chësc ann y l'ann passé dai atlec da La Val. Pro les ativites desvalies él gnü recordè i cursc organisá, a chi ch'al á tut pert passa 200 partezipané. Dër aprijá é gnüs i cursc por mituns, danter i atri le curs de schi, da nudè y le program sportíf da d'isté. Inçe chisc gnará sambēgn indo organisà chësc ann.

Le presidënt à spo presentè la proposta laurada fora dal comité y portata dant al comun por la revaluaziun dla zona dl sport “Plans”. Tl post dla plaza da tennis che ne vëgn nia plü adorada podéssel gnì realisé d’atres strotöres por le tēmp lēde. Insciö podéssel ciafè lerch na palestra da arpizé suracomunala, locai fitness y na palestra por beachvolley y beachsoccer. Al foss inće debojëgn da ingrandì i magazinns y les garages basite. N’atra proposta é chëra de na pista dala liösa por le tēmp lēde cun le travert tla zona sportiva, olach'al podess gnì anuzé les strotöres bele esistētes.

L’ombolt Franz Complojer é spo te sües parores inće jü ite sön chēstes proposes, les valutan positivamēter. Da odèi sarà sambëgn tan inant ch’ara jarà da ciafè i fianiamēnc por les portè inant. L’ombolt à spo ringrazié i funzionars dl’Uniun por le laur che vëgn fat dantadüt por i mituns y jogh. Inće le presidënt á ringrazié l’ombolt por le sostëgn finanziair che vëgn vigni ann conzedü dal comun ala uniun, sides por l’ativité ordinara sciöche inće por i desvalis investimēnc che vëgn fac.

L’ultimo punt mo porchël nia le manco important é stada la proklamaziun dl resultat dles lites dl comité, che ará le compit da aministré la uniun por i proscimi trèi agn.

Dô la reuniun á i partecipanc pudü se mangé val e se bere val. Pur ciaré ala prejentaziun clicca le file in injunta.

[Prejentaziun Reuniun Generala 2011.pdf](#)